

Baca dan fahamkan petikan dibawah . Kemudian Jawab soalan yang diberikan.

PERKATAAN

Melancong merupakan satu daripada aktiviti yang menyeronokkan dan menghiburkan hati. Semasa aktiviti ini dijalankan, kita banyak memperoleh ilmu pengetahuan yang berguna. Bak kata pepatah, jauh perjalanan luas pengalaman.

Pada pertengahan tahun yang lepas, saya berpeluang melawat ke negeri Melaka. Tujuan lawatan adalah untuk melihat kesan-kesan peninggalan sejarah penjajah di negeri itu.

Semasa saya berada di Bandar Hilir, Melaka, saya tidak melepaskan peluang untuk melawat Kota A Famosa. Kota ini ialah kota yang dibina oleh tentera Portugis. Kota ini pernah dijadikan kubu pertahanan tentera Portugis pada suatu masa dahulu. Walaupun kota ini telah mengalami kerosakan, bahagian pintu kota ini masih kukuh dan terpelihara.

Selepas makan tengah hari, saya dan kawan-kawan meneruskan program lawatan. Kami melawat ke makam pahlawan-pahlawan Melaka. Antara lokasi lawatan kami makam Hang Jebat. Saya juga berkesempatan melawat ke mahkamah Hang Tuah dan perigi Hang Tuah. Mengikut cerita dan kepercayaan penduduk tempatan, air perigi Hang Tuah ini boleh dijadikan penawar. Air perigi ini boleh mengubati pelbagai jenis penyakit.

Pada sebelah malamnya pula, saya dan kawan-kawan pergi ke Umbai untuk menikmati keenakan ikan bakar. Saya turun ke gigi pantai untuk menikmati keindahan malam di kota penuh sejarah ini. Semasa saya berada di sini, ramai pelancong asing yang turut menikmati keindahan malam di Melaka sambil menjamu selera.

Kira-kira pada pukul sebelas malam, saya dan peserta rombongan berangkat pulang. Kami berasa amat seronok kerana dapat mengikuti lawatan ini. Banyak pengalaman dan pengetahuan yang saya dan kawan-kawan telah perolehi. Melalui lawatan ini, kami dapat melihat dan mengetahui sejarah sesuatu tempat. Saya juga sedar betapa pentingnya penjaga kesan-kesan peninggalan sejarah bagi tatapan generasi muda yang akan datang. Warisan sejarah merupakan antara aset pelaburan negara kita yang tinggi nilainya. Lokasi-lokasi bersejarah ini menjadi tarikan kepada para pelancong dari dalam dan luar negara, di samping mampu merealisasikan kempen 'Melawat Malaysia'.

Tuliskan jawapan yang betul.

1. Kemanakah penulis dapat melawat pada tahun lepas?

2. Apakah tempat yang dilawati?

3. Siapakah yang membina Kota A'Famosa?

4. Apakah kebaikan air perigi Hang Tuah?

5. Dimanakah Penulis pergi menikmati Ikan bakar?

6. Apakah yang diperolehi penulis daripada lawatan itu?
